

Жаңа жылдарыңызбен!

АТЫРАУ

Облыстық қоғамдық-саяси газеті

Атырау газеті

// №104 (20 605) 31 ЖЕЛТОҚСАН, 2021 ЖЫЛ, ЖҰМА //

atyrau_gazeti@mail.ru

2022



Құрметті атыраулықтар!

Жылдамның тағы бір парадасын тарих қойнауына жазып, 2022 жылға қадам басқалы тұрмыз.

Табалауымыздан аттағалы тұрған Жаңа жыл мерекесімен сіздерді шын жүректен құттықтаймын!

Жыл алмасар мезгілге келер кезеңнен жақсылық пен сәттілік күтіп, алғашы бір-біріне ақжарма тілектер айтатын дәстүріміз бар. Бұл – өткенді санада қайта еске алғанда, болашақты бағдар жасағандағы, ішкі сезімнен

пен жарқын өмірге жол бастайтын сәт.

2021 жылы қиындықтарға қарамастан барлық салада дерлік өсімге қол жеткіздік. Қастерлі Тәуелсіздігіміздің 30 жылдық мерейтойын кең көлемде атап өттік.

Атырау облысы бұл айтулы датаны нақты істермен қарсы алды. Өңірді дамыту, халықтың жағдайын жақсарту бағытында Елбасы мен Мемлекет басшысы белгілеген тапсырмалар іске асырылып, ауқымды жұмыстар атқарылды.

Облыста бірқатар өндіріс орны ашылып, мыңдаған адам жұмысқа орналасты. Жаңа медицина мекемелері, мектептер, балабақшалар, мәдениет, спорт нысандары пайдалануға берілді. Тұрғын үйлер бой көтеріп, мыңдаған адамдар баспаналы болды. Елді мекендерге, соның ішінде шалғай ауылдарға ауыз су, газ құбыры, электр желісі тартылып, жол құрылысы қарқынды жүргізілді. Атырау қаласы, аудандар орталықтары, сондай-ақ ауылдар абаттандырылып, келбеті көріктеніп түсті.

Атырауда «Ұлық Ұлыс – Алтын Орда» халықаралық ғылыми-практикалық конференциясын өткізіп, ұлағатты тарихы бар ұлы елдің мұрагері екенімізді әлемге паш еттік. Ортағасырлық өркениеттің орталықтарының бірі болған Сарайшықты танымат қылуда тағы бір маңызды қадам жасадық.

Өңір үшін 2021-ші жылдың ең басты

жаңалықтарының бірі – Президент Қасым-Жомарт Тоқаевтың тапсырмасымен жасалып, қабылданған «Атырау облысының 2021-2025 жылдарға арналған әлеуметтік-экономикалық дамуының кешенді жоспары» болды. Маңызды құжат облыс дамуына тың серпін беріп, тұрғындардың өмір сапасын жаңа деңгейге көтереді.

Біздің басшыларымыз қолға алған жоспардағы

Әлемді күйзелткен пандемия 2021 жылы да толастамады. Десек те, осы жылы басталған жаппай вакцинациялаудың арқасында оның екпінін бәсеңдете алдық. Сондықтан, әр азаматтың, әр отбасының қауіпсіздігі үшін бұл жұмысты белсенді жалғастыруымыз қажет.

Ардақты ағайын!

Елдігіміздің тұңғазығы – бірлік пен ынтымақ екені сөзсіз. 2021 жылы қол жеткізген жетістіктеріміз ел әлеуетін асыру, туған жердің қуатын арттыру жолындағы бірлескен іс-қимылдың қажырлы еңбектің нәтижесі. Сондықтан, барша атыраулықтарға шынайы ризашылығымды білдіремін.

Жаңа жыл қашанда жаңа жетістіктерге жетелейді, келер жылдан үміт көп! Алда бізді ауқымды істер күтіп тұр, қолға алған маңызды жоспар-жобаларымыз бар. Соларды жүзеге асырып, халық игілігіне жарату үшін бар күш-жігерімізді жұмсаймыз. Келер жылы да, алда да бұл жергілікті билік органдарының басты ұстанымы болмақ.

2022 жыл құтты болсын, қадірменді атыраулықтар!

Жаңа жыл да жарқын жетістіктерге толы болғай! Ел мерейін еселер берекегі болып, әр отбасына маңызық пен бақыт әкелсін!

Махамбет ДОСМУХАМБЕТОВ
Атырау облысының әкімі

Құрметті Атырау облысының тұрғындары мен қонақтары!

«Теңізшевройл» ЖШС-нің ұжымы атынан сіздерді келе жатқан Жаңа жылыңызбен құттықтаймыз!

2021 жыл бүкіл қазақ еліне де, компаниямызға да маңыздылығы зор жыл болды. Биыл Қазақстан Республикасы тәуелсіздігінің 30 жылдығын тойлады, ал ТШО 500 млн. тонна мұнай өндіріп, рекордтық деңгейге жетті. Біз Екінші буын зауыты мен Шикі газды айдау қондырғысының күрделі жөндеу жұмыстарын сәтті аяқтап отырып, Қазақстан Республикасы алдындағы міндеттемелерімізді орындауды жалғастырамыз.

Үкіметтік емес ұйымдармен бірге Атырау облысындағы білім беру, денсаулық сақтау және азаматтық қоғамды дамытуға арналған 180-нен астам жобаны қамтыған 14 бағдарламаны іске асырдық. Аталмыш жобалар Атырау облысының 400 мыңға жуық тұрғындарына ықпалын тигізді.

Келе жатқан 2022 жылда әр шаңыраққа денсаулық,

бақыт және сәттілік тілейміз!

Тағы да Жаңа жылдарыңызбен!



Кевин Лайон
«Теңізшевройл» ЖШС
бас директоры

Айбек Крамбаев
«Теңізшевройл»
бас директорының
орынбасары

«Велесстрой» ЖШС келесі жобалар бойынша ашық жиналыс түрінде қоғамдық тыңдаулар өткізетіндігі туралы хабарлайды: «Эмиссиялар нормативтерінің жобасы (ШРШ, ШРТ), қалдықтарды басқару бағдарламасы, өндірістік экологиялық бақылау бағдарламасы, қоршаған ортаны қорғау бойынша іс-шаралар жоспары «Велесстрой» ЖШС тазарту құрылыстарының кешені үшін. Қоғамдық тыңдау 2022 жылдың 4 ақпанда сағат 10.00-де, онлайн форматта өтеді.

Онлайн қосылуға сілтеме:

<https://zoom.us/j/2455756278?pwd=UXN2aEIFWHltOFY2SHM5VXVXWklQdz09>

Идентификатор: 245 575 6278, қатынау коды: 5GSCx5

«Велесстрой» ЖШС, Атырау қ., Азаттық даңғылы 48/6 этаж.

Тел.: +7 (771) 0908717; БСН: 980740006185

Құжаттаманы әзірлеушінің деректемелері және байланыс деректері:

«Нұрэкоэлем» ЖШС, Атырау қ., ш. а. Самал, 7 өткел, 7 ғимарат, БСН 210240034609, тел.: 87021124963.

Жергілікті атқарушы органның электрондық және пошталық мекен-жайы:

жергілікті атқарушы орган – Атырау облысының Табиғи ресурстар және табиғат пайдалануды реттеу басқармасы, пошталық мекен-жайы: Атырау қаласы, Әйтеке би көшесі, 77, электрондық мекен-жайы: atr.priroda@atyrau.gov.kz, тел.: 8 (7122) 325509

Жоба бойынша құжаттама БЭП сайтында орналастырылған: esportal.kz және жергілікті атқарушы органның ресми интернет-ресурсында: www.gov.kz.

Ескертулер мен ұсыныстар мына электрондық мекен-жай бойынша қабылданады: vlseleclead@velesstroy.com

Атырау ет комбинаты ұжымы ұзақ жылдар бойы басшылық қызмет атқарған агроөнеркәсіп кешені қызметкерлерінің ардагері, тұңғыш қалалық мәслихаттың депутаты, Атырау қаласының Құрметті азаматы

Аймағамбет Бақи Ысқақұлының қайтыс болуына байланысты оның отбасына, ағайын-тумасына, ұрпағына қайғырып, көңіл айтады.

Атырау ет комбинаты ұжымы
**Жолдасқали, Егізғали, Ханифа, Сембай, Зулхия,
Жолшыбек, Асылбек-Маржан, Есен,
Рашиден, Гадис, т.б.**

Атырау темір жол ауруханасының ұжымы ұзақ жылдар еңбек еткен денсаулық сақтау саласының ардагері

Уайыс Дәулетұлы Бисеновтың өмірден озуына байланысты қайғысына ортақтасып отбасына көңіл айтады.